

Constantinus Felicianus

episc. Cracoviensis

Collegiorum Soc. Jesu Crac. Lubl. et Sandomiriae

Constantis felicitas Poloniarum.

PANEG. et VITAE

Polon. Fol.

Æ. 1375



724.

L. m. Wotynowski Vok. m. 1725

BIBLIOTH. UNIV.
JAGELLONICAE

LIBRARY OF THE
UNIVERSITY OF JAGELLONIAN

CONSTANS
FELICITAS
POLONIARUM.

CELSISSIMUS PRINCEPS

IN SZANIAWY

SZANIAWSKI,

EPISCOPUS CRACOVIENSIS,

DUX SEVERIÆ;

CONSTANTINUS

RELIGIONI;

FELICIANUS

LIBERTATI;

REGIBUS UTRUMQUE.

Applaudente sub Ingressum Cathedræ

*Regio-Episcopali Cracoviensi,
Dioecesani, Lublinensi, Sandomiriensi,
Societatis Jesu Collegiis.*

Anno Domini MDCCXXI.

CRACOVIÆ,

Typis Francisci Cezary, S. R. M. Celsissimi Principis, Illustrissimi & Reveren-
dissimi Episcopi Crac: Ducis Severiæ, Ordinarii Typographi,

Quis, oro Vos, plura præbuit
FIDEI CONSTANTIAEQ; documenta? --
Cujus, Divinior FELICITAS fuit?

Mamertinus.


Te verò CONSTANTINE, Incremen-
tum maximum Boni Publici, qui-
bus modis amplectitur Romana FE-
LICITAS? quæ de Te tantum expectat,
quantum NOMINE polliceris.

Nazarus.

21. 546 ^{III}

Anno Domini MDCCXXI.

CONSTANTINE
FELICIANE,
PRINCEPS
ANTISTES.



*N*comia Tua, Reges enarrant Regibus;
Magnus, Victoriis & Pacis gloria, PE-
TRUS, è Septemtrione suo, Lutetiae Pa-
risiorum Hospes, inscripsit Galliarum
Liliis; AVGVSTVS, Secundis omni-
bus & Adversis Major, animo imprimit;
poteratné augustiùs Regali folio? approba-
vit, Sanctitate Maximus CLEMENS Undecimus, innu-
merabili nec morituro, *Vivæ Vocis Oraculo.* Annotantur: in
Imperio, adamante: ut adamantur quia digna; in Saxonia,
geminis: ut æstimentur quia rara; ferro alibi, nativo: ut me-
minerint Posterì, quia fortia. Circumferuntur: Optimorum Ocu-
lis: tanquam amœnior Pupilla gestientis Patriæ; Ore: tan-
quam triumphans Vox Libertatis Auræ; Corde: tanquam re-

*spirans ex vulnere, Anima Religionis. Encōmia Tua: elaborata (ô quanto in subitis Ingenio!) armorum Compositio ad quietem; limato Judicio correcti mores; in Orbitam redeuntia cuncta; Periodus malorum ultima. Oratores Tui: Pacatus Orbis Lechicus; Taciti æmularum Gentium tumultus, quibus nuper de nobis conclamatum; Silentes procellæ, postquam unum apposuisti Dexteritatis Digitum. quid si Dexteram? quid si Brachium? potenti Consilio. Tantis, audebitné comparari, comparere, minor Eloquentia? Submissè fatetur: Imperatoriè dicens venis! hærebo elingvis. Temperato clementer, Sceptro scriberis! calamus manu evolet; Coronata sit necesse cogitatio laudantis, ipsiusq; Coronæ acumen! marcescit laurea tenuis. Polonæ, semper altiùs, Famæ Polum elevas! aptare Stylum nequeo. Indulsisti quidem tempus adornandæ venustati sermonis, dilato adventu, subveniens verecundiæ; ne in conspectum. Purpuræ, operta confusione, aut detritâ fronte accederet. Combabat se: gaudia prompta dolenter stabant; istis, mensium decas, seculum; illi, momentum. Festinasses! celeritas, celerius excusaret inopiam, exaggerant induciæ. Expectas? plura nova superveniunt, Facundiam obruunt; primus autem paratæ dictionis flos veterascit, rugosus displicet. Non tamen conqueritur: amat, citò vinci, à properante; à cunctante, diu vinci. Non enim sibi quærit gloriam, sed Gloriosissimo Præsuli obsequium; cuius Celsitudinem, siue lingvâ, siue pennâ æquare non posse, Constans erit Felicitas Svadæ. Hanc ergo victam, faciliq; nodo vinculam, Triumpho Ingressûs Desiderati, alligat Societas 7 E S U Minima; id unicum geminantem, quòd, duo simul, dant legendum, Tuæ Nomina Virtutis, Cognomina Felicitatis. Ubi: **CONSTANTINVS** adest; semper **FELICIA** **REGNA.***



N Ominari non potes, omnium
 Regni Ordinum votis exo-
 rate Antistes; nisi nomine-
 tur **CONSTANS FELICI-**
TAS, Tibi magis interna,
 quàm Soli radius: quia Tu ipse. Promulgari
 se audit, dum Te proferimus; ac longiorem
 absentiam compensare volens diuturnitate
 præsentiæ, properat; aliquantum cessit re-
 bus angustis, manebit semper; invocata vo-
 cibus iisdem. Eadem Vobis, (& ad Vos, in
 difficilibus) appellatio; literarum affinitas
 concors; inflexio simillima, ex autoritate
 in svavitatem desinens. Idem estis. Quid
 enim aliud sonant **CONSTANTINUS FE-**
LICIANUS? quorum Nomen à DEO ac-
 ceptum, ita virtutibus imples: ut, nulli ple-

Nomen
 Cellissimi
 Principis.

Constanti-
 nus Felicia-
 nus, Constā-
 tem signat
 Felicitatē.

B

nus

nus dederit, ambitio vacua; quorum alter,
ad Te derivare studuit Firmitatem immo-
tam; alter docebat progressus faustos. Te-
nemus obsides, inseparabili nexu, aptè con-
iunctos. Ab astris venerunt, Cælum pos-
sident in Principe; Nascentem, in medio po-
situm, complexi tenerrimè, adoptare con-
tendentes; possunt gloriari adoptato. Cer-
târunt pro se, vicerunt pro nobis, Te præ-
mium consecuti. At quali arte? Adstabas
Religio parum culta, Libertas adstrictior,
Regia Serenitas tenebrescens; meruistis au-
dire Divorum colloquia, illicia Infanti pro-
posita. Nempe, FELICIANUM dicentem:
esto CONSTANTINUS Religioni; CON-
STANTINUM verò: esto FELICIANUS
Libertati; deinde simul utrumq;: sufficies
pro duobus; quod sumus ambo, Unus esto
Regibus centum, spectandis in Augusto.
Concludimus: esto C O N S T A N S
FELICITAS POLONIARVM. Tali ar-
te, vicisti Constantine Felicianum; vicisti Fe-
liciane Constantinum; uterq; consecuti SZA-
NIAVIUM; sed nos triumphamus. Nam
Mens nunquam pusio, virili cachinno deli-
cata ridens, asperis delicatè arridens, malu-
isset

isset propendere in Constantinum sine Feliciano; promotura Optimum toto Orbe terrarum Constanter, quamvis infeliciter sibi. Displicuisset propria, placuit Felicitas, quia Poloniae; ut autem placeret, Constans esse debuit, non, claudicando deformis. O fortem indulgentiam! quod habet Virtus charissimum, Prosperitas praeipuum, Bono publico resignavit, sibi CONSTANTINUS, non sibi FELICIANUS; nobis CONSTANS FELICITAS. Pulchra! & inaudita conventio diffidentium à seculo titulorum. Lacerabat aures inconstans Felicitas, Constantia infelix; jam demulcet sonus Felicitatis Constantis. Nomen istud, è Sacro Fonte manavit, ut elueret labem inconstantiae; noxam demergeret. Nomen istud, scripsit indelebilis character; si non scripsisset: rectè acta in omni foro, nemini neganda, comprobarent, addendum à singulis. Quidquid & deinceps egeris PRINCEPS; Constantem Felicitatem, necessario praestitisti. Adeste Provinciae! vos, Indulgentissimus Praesul, absolvit à pæna factorum imminuentium; in praesenti felices reddens, de futuro securas. Nihil est respectandum ad

rotam Fortunæ, ne proterat, vel funesta vehat. **CONSTANS FELICITAS**, nescit occasum bonorum, quibus illultrat; ortum nescit malorum, quæ extingvit. Fatere Lechia, (imperio exempta sortis variæ, cui subsunt Imperia,) **CONSTANTINO FELICIANO**, Te obligatam, Nomine utiq; non uno; geminum est. Numero isto, secunda gaudent, fortunata geminantur, gemitus respirant; ac demersa, tanquam Insulæ nantes, emergunt Orientibus Geminis. Acutis Oratores ingenii aciem? pace vestrâ, in lucem prodibit laudatio, quam secum intulit, à Numine oblatam, veniens in lucem, Antistes Illustrissimus. Cum illo nata, non aliunde translata; sine metaphora, quia sine simili; ex Nomine proprio, non communis; simplex, prout res loquitur, non assentationis similtas; prout docet fatendi necessitas, non facultas fingendi. Neq; separabit **CONSTANTINUM** à **FELICIANO**; adunantur in Principe, velut in Centro lineæ. Neq; dividet Religionem à Libertate, aut Potentissimo **REGE**: conjunctio, labor fuit, cui nullum par, operæ pretium. Restat igitur, Summa plus ultra dicendorum: demonstrare

id

id, quod es; quòd Nominis veritatem Sum-
mâ Sapientiâ priùs impositi ex alto, instar
Coronæ, sequentibus factis asserueris. Elo-
gium Successori Martyris STANISLAI, mi-
nimè Audax; facile, expers martyrii cogita-
tionum torquentium. Et quoniam, CON-
STANTINUM, adversa irruentia; FELI-
CIANUM, depulsa commendant.

Prodite in conspectum, pertinaciter in-
felicia; mala extremè, primum occupate lo-
cum; profuistis, arte SZANIAVIANÆ
Prudentiæ, innoxia. Prodeunt: spectare
videor, & horreo: dùm, clausi, effractâ ja-
nuâ terrores procurrunt; volant exercitus,
multitudine, Orbi deterendo non impares,
terrendo pares; armis ferrei, an ex ferro
nati. Fulgurat perpolitis ensibus OCCI-
DENS; ORIENS adoratur, ut Portam
providè obstructam, Bellis aperiat. Scythia
conterminus, arcu stat extenso, expectans
imperium, ut vibret telum. SEPTEMTRIO
gelidus, ab ultimo terrarum recessu urget
auxilia, ut maris æstus, frigore defervescent.
Veniunt populi, quos inhospita tellus edu-
cavit, natura subduxit oculis, intrâ sylvas ab-
scondit, feris permiscuit: quasi erubesceret

*Infelicitas
temporum
in Polonia.*

videri tam truces vultus. Tot Gentes, Regnis expugnandis sigillatim suffecturas, à limitibus propulsandas; tot bella ex bellis nascentia, etiam adulta, Polonia simul excepit Regni visceribus, aluit; Mater suarum calamitatum & Nutrix; sola inimica sibi: hostem, nullum; amicos appellabat. Amicorum erat, ne profudisse convincerentur, sanguinem exsugere; ne afflictionis vox aliqua personaret; Urbibus tormenta (castrensia quoq;) subducere. Meliorné Sors Domestica? nunc præceps, nunc pendens; aut metuit casum, aut fraudata cadit; incerto motu confusa cuncta, scissa, partes in ipsis partibus. Quantum inde Religioni, Libertati, Majestati vulnus? sed manu suspensâ tractandum; ne vel memoria vulneret; vel stridore calami suscitetur, quod sopitum: nosse, fuit nimis.

Infelicitas
hæc, jam
sublata.

Poterat mundus exspirasse sub tantis factorum ictibus, mergi tempestatibus, incendiis exuri. Vivimus Poloni, supernatamus, lucemus. Ridentur lacrymæ, atq; deplorata fors à vicinis; Terror insultatione obteritur; semina belli, dant auream pacis messem AUGUSTO: domi prospera, foris
pla-

placida. Manet incolumis, & aucta firmitas Fidei, reverentia Throno, Senatui Autoritas, securitas Libertati. Siccum est, ubi quondam Balthidis furebant procellæ. Virent campi; ubi nivosi castra Septemptrionis. Examina illa exercituum, avolarunt more apum, relicta dulcedine. Reddita uni sibi Polonia, novitate miraculi, eadem; nihil teris decessit, nihil imminutum Provinciis; talem reliquerunt Patres, ampliorem Nepotes recipient. Integritatem Poloniæ gratulare, divisa Hispania; pluribus illa scindi non potuit ensibus; dissecta es paucioribus. O pavorem præteritum, securitate quavis appetendum! Illustres tenebras! quibus nos, tam clarus finis eripuit. Dignum opus, Authorem habet DEUM. Quem verò ipsius DEI Ministrum? Ex Nominatissimis Præsulibus, Unum. Testantur id, Reipublicæ gravissimi casus, huic soli reservati; dirempta Regni divortia; Immunitas Ecclesiarum stabilita, propugnata; calamitatibus inhibitio imposita, quam reverentur, neq; audent transgredi. De Stemmate Junosæ, Illum testatur mansuetudo impressa Leoni, fæderatisq; victoriis: fracta quoq; in lana molli fulmina.

Illustrissi-
ma Domus
Szaniaviana
tollendæ
infelicitati
destinata.

SZANIAVIUM declaravit Cæleste prodi-
gium. Res ex se pulcherrima, descriptionis
ornamento non eget, contenta referri; me-
moriâ non excidet, labentibus annis; nu-
merat secula, & quasi ante dies totidem pera-
cta narratur; antiqua, semperq; recens; An-
gelicum sortita & præconium & ævum, se-
nescere nequit.

Sub Lesco-
ne Nigro,
An: 1282.

Regnabat Lesco, Niger ab æstu bellico,
sed formosus triumphis; pallorem nesciens
timidum; ad limatam gladii non speculi aci-
em excultus, ut placeret victoriis: placuitq;
spectaturæ, avelli non poterant comites per-
petuæ. Colore illo, vultum pinxit, aut Sol
Apelles in castris; aut serenior fumus Ur-
bium hosti exustarum; aut fortior ignis in-
tus accendens mentem. Frons atras nubes
collegit: fulminabit; tenebrosa fuligo spar-
get funera; **NIGRVM** cave Barbare. La-
cessunt tamen Jazyges; & jam diffidentes
audaciæ, se vinciunt invicem, ne libertas fu-
gæ, rumpat pugnandi necessitatem. Fren-
det inani terrore, constrictus furor, immani-
tas catenata, & arrogantia prius captiva
quàm capta; indigna duci ante triumphali
lem currum; non pugnam sed pœnam ex-

spe.

spectat in vinculis, conscientia temeritatis
 convicta. Cracoviæ Tribunali affides LE-
 SCO Justissime; Decretum mortis expe-
 di, promulgare jube. Accelerat; fessus longo
 itinere, somno submittit oculos; suaq; non
 Miltiadis trophæa somniat; quiescens vincit,
 cui bellicus labor, quies. Quid agent Vigi-
 liæ, si triumphat sopor? Dux Cælestis Mili-
 tiæ, dormienti, victoriam denuntiat; venit,
 nondum vidit, clausis oculis vincet. Evigi-
 lat, sonante adhuc in auribus MICHAELIS
 tubâ: imminet Gentis totius agonia, exspi-
 rant Jazyges, ad unum interfecti, nec uno
 Polonorum desiderato! Fuerint aliæ For-
 titudinis Victoriæ, Imperatorum vulnere, glo-
 riosè mutilæ! Hæc, integritatis victoria sub
 NIGRO, speciosior sine vulnere; facie non
 cæsâ amabilis; auribus non abscissis, melius
 audiet. Fuerint aliæ semel aut ad tempus
 victoriæ, aliquando vincendæ. Victoria hæc,
 assidua, æterna; nam quotidie vincitur, semel
 ita victus, ut nunquam resurgat cum Antæo.
 SZANIAVIANÆ Domui hæc debetur vi-
 ctoria; proinde Constans, præscia CON-
 STANTINI, militans ejus Nomini. Vix enim
 D. MICHAEL disparuit, MICHAEL PASCON,

Dū S. Mi-
 chael præ-
 nuntiat Vi-
 ctoriam,

Michæl
 Pasconus
 strenuè
 cecitat.

D

appa.

apparuit; Unus, Heroum millia; multus instat
 Hosti, & libertate cædis exultans, per infe-
 stas acies volat interritus; densissima quæq;
 penetrat in iclu oculi, tanquam invulnerabi-
 lis, dejicit, proterit. Miles è Cælo fulmineus,
 an in terra Cælestis! Pendeo dubius, in quam
 partem præponderem Tuâ lance ARCHAN-
 GELE: Dicamnè? Tuo ense fulgurabat il-
 le; an? ipse Tu manu ejus pugnasti? Di-
 camnè? arma Tua induit ille; an? corpus
 ejus Tu subintraſti? Tanta vis ex oculis, agi-
 litas in membris, fortitudo & alacritas vo-
 luntatis, promicabat è pectore; tanta præ-
 stitit: quanta decuiſſent Legionum Super-
 narum Ductorem. Eundem fortè, vidisti so-
 nians & experrectus Nitidissime LESCO.
 Ideoq;, MICHAELI Cælit, dedicas trophæ-
 um, Lublini Ecclesiã, ubi Aram stans ipse fer-
 reus inaurat. Terrigenæ MICHAELI, addi-
 cis SZANIAWY, latè patentes FUNDOS.
 Iſta fuit, per tot prodigia (prodigium ſingulari
 numero dixerat, declinans auxesim, vera etſi
 minor ſemper Veſtris meritis laudatio) No-
 minis tunc novi SZANIAVIORUM, ſed
 antiquiſſimæ Nobilitatis FUNDATIO; non
 quâ redditu Nobiliores, ſed Notiores eſtis.
 Illic,

In præmiū
 SZANIA-
 WY obti-
 net,

Inde SZA-
 NIAVII.

Illic, enutritus Junosæ Agnus herbâ, quam
 porrexere, flexo genu succumbendo Jazyges.
 Illic, è vagina Hostili adversus Pasconem
 SZANIAVIUM extrahi recusantes gladii,
 Polona, in aratra recusî, dum scindunt ar-
 va; felicitant ad segetem quietis Publicæ.
 Illo solo, Consanguinitatis Arbor Præstan-
 tissima, Virtutum radicibus nixa, ad tantum
 robur invaluit, protēdes Ramos in Regnum,
 Magnumq; Ducatum. Sed prius cum stir-
 pe tota debuistis exscindi Jazyges; ut pate-
 ret: SZANIAVIOS procreari ex nihilo ho-
 stium. Plura, utinam revelasses arcana, Invi-
 de LESCO! quæ Tuus enarravit MICHA-
 EL. Descenderat ut appellarentur SZANIA-
 VII: è Cælo Nomen secum adtulit. Libram
 tenebat? Vos, meritis graves ponderans,
 Terrestres atq; Tribunalis Regni Iudices.
 Stellatum vibrans ensē porrigebat Vobis,
 Herodēs Dexterrimi, Cælestis cohors. No-
 bilis galea, caput coruscâ gemmarum luce
 irradians, Te præferebat Illustrissime Lubli-
 nensis CASTELLANE, Caput Consiliorum salu-
 tarium. Loricæ auro, aurum addidisti, Illu-
 strissimi, Excellentissimi SKARBEEK Archie-
 piscopi, SVFFRAGANEE Leopoliensis Illustrissi-

Cum Victo-
 ria,

Nomen Cæ-
 lo allatum

me; Cor Scientiarum omnium & Virtutum;
medius inter Stellas, hinc Dominici Frontem,
inde Carmeli Supremum Verticem coronā-
tes, Lumenq; Canonicū Cathedræ Vladislavi-
ēsis, ipse Sol Theologicus; pectore dign9, aut
AQVINATIS, aut MICHAELIS; imò: utri-
usq;, ex utroq; Angelicus. Inscripti erant va-
ginæ, audaces Ensiferi; armis reliquis, Tri-
buni, Venatores; totus MICHAEL cataphra-
ctus, constabat SZANIAVIIS. Quis verò
splendor insolitus, oculos alliciendo, Umbo-
ne reverberat, adeò, ut resplendeant Montes
Albani, & septicollis Roma? Intuitus es, REX;
legisti CONSTANTINUM FELICIA-
NUM, radios dirigentem. Parte unâ, in
MARTIANUM Fratrem Illustrissimum, Re-
gni Secretarium; cujus Fronti laureatæ Pa-
risiis, Tiaræ imminent; postulant admitti.
Parte alterâ, in selectissimum Par Nepotum,
æquale magnis Honoribus, jam Virtute sum-
mâ, & crescens adhuc. Videlicet in JOSA-
PHATUM Augustoviēsem, (ut Regem cor-
de referat CONSTANter:) & FABIANUM
Radziecensē, (ut Regno cōsulat FELICITER,)
Capitaneos. Istud Ancile, SZANIAVIANÆ
Domui concedetur ad custodiam, repeten-
dum

dum à Patria. Cui vindicandæ Manū, Pri-
mus SZANIAWSKI PASCONVS, est Gla-
dius; Eidem defendendæ CONSILIO, clypeus
erit SZANIAWSKI Antistes. Venient infe-
licia tempora: habebit Polonia, quo retun-
dat. AUGUSTO II regnante, orietur ista
CONSTANS FELICITAS. Talia ex Divo
MICHAELE intellexisti LESCO; & propriis
licet saturatus victoriis, appetebas ætati Tuæ;
gratulabaris nostræ. Quodsi tunc arcana
felicia Te latuerunt; nunc Orbi patent. Con-
spexerit quispiam acriori pupillâ in Scuto
Achillis, omnes futuri ævi Cives, & serò ven-
turam posteritatem. Clarius cernuntur SZA-
NIAVII Bellatores, in Mucrone MICHAELIS;
Arbitri Justitiæ, in Libra; in Casside mu-
niente Caput, Consiliarii, Prælatiq;; in Pecto-
re, Consecrati DEO. In Scuto fulgentiore,
quo Genius Tutelaris protegit Ecclesiam;
Regna, Liberamq; Vocem Angelicam; spe-
ctaris manifestus, Præsul Angele, Custos Re-
ligionis, Regum, Libertatis.

Peracta est, celebranda incessanter, Ap-
paritio Cælestis, & simul Victoriarum, ac
SZANIAVIANI Nominis. Expectabat se-
cula, magnæ gloriæ capax, plena Virtutum,
E ideo.

Omen de
Celsissimo,
è Domo
Szaniaviâ.

Expectatus
à Domo
virtuosissi-
ma,

ideoq; vacua vitiis Domus, ut Regno da-
ret Fortunam; neq; sibi aliam investigabat
solicite. Maximæ illi opes, opem dare Pa-
triæ; innoxia divitiæ, nullius paupertate au-
ctæ; aurum purissimum, quod non eluebant
subditorum lacrymæ. Nullum interim ampli-
andæ Reipublicæ tempus vacuum admisit;
post excidia Jazygum, lauros metere assveta.
Quod verò laborum expetiit præmium? La-
bores novos. Excisa totâ Gente, Martis Vi-
cum, SZANIAWY possedit: Gentes iterum
exscindâtur, aut, si fines ingressæ Polonos, ex-
cedant; ut promptè succedere se possessioni-
bus novis, concedat Gens SZANIAVIA. Vi-
det gaudetq; præmiis mentes animari ad for-
tia; sed gaudet magis, præmiorum illicio, se
non egere. Mundissima Domus, in qua, eti-
am Fasces Honorum illati, nihil immundum
inveniunt, quod everrant. Vetusta, sed firma;
suis consistens viribus; soli gladio vel hastæ,
ad laborem innixa. Perpetuo motu pro bo-
no publico, assidere Curulib9 meruit. Sed, sa-
tis commēdatur candore suo, Junoszæ lana;
tingantur coloribus minùs nitida. De se pur-
pureus est ac pulcher sanguis puræ Nobilita-
tis, Regum Elector ad purpuram, eligi & re-
gna-

gnare capax. Tantane SZANIAVIOS tenet
dignitatum moderatio? Patres Patriæ dicē.
di à seculo, Filiorum pietatem & obsequium
sibi vendicant! Non sunt testudo, portans
nō nisi Domum suam; ut Publicam omnium,
portent in sublime. Cæterum implebunt de-
inceps Infulas ac Senatum; quod non impe-
travit felix, extorquebit infelix Patria. En
Exteriorum bellis trepida, Civium diffidiis la-
cera, fatiscens onere, accurrit, queribunda,
inclamat: SZANIAVIA, Polonæ salutis
Domus, in qua terrarum Fortunam DEUS
condidit; quid moraris gaudia? Solem refu-
gis? & coactæ undiq;, Libertatem cingunt te-
nebræ. Declinas Publicum? privata interim
Bonis, deget Religio. Scindor Sectarum
odiis, AUGUSTUM, Fidei Romanæ invidē-
tium. Ne Schisma invaleseat contra Caput
Coronatum; Septemptrionis invoco auxilia.
Cernis vulnera: obvolve, Junosæ lanâ. Cō-
texe filum de vellere, ac porrige, ut Labyrin-
tho evolvar. Quousq; Clypeum tegis, qui
protegat? Redde Ancile depositum. Mea
es FELICITAS CONSTANS, CONSTAN-
TINE FELICIANE, quamdiu Te absente
infausta patiar? Concussam, refove Tuo si-

Recipitur
à Patria.

nu Parentem; rebus fessis quietem concilia.
Invito ad summè ardua, Fortem; ad labo-
res assiduos, Infatigabilem; ad intricata, Pru-
dentem; ad ābigua & difficillima, Sapientissi-
mum. Versaberis inter formidolosa interrit9;
metuenda, vultu nihil mutato terrens. Stant
innumeræ adversitatum acies; congregere
singulari duello, cum omnibus, etiam Unus.
Leonibus colluctetur Aries; colluctari eum
posse, ne dubita: est Tuus, ergo potest. Pro-
posui gravia: levibus non movetur Gigas;
& ærumnosa: illicium, attrahendæ Felicita-
ti; & torquentia: ut extorqueam vindicias.

Accedit ad
negotia
Reipub: &
Majestatis.

Audis: & cogitatione profunda (quem-
admodum soles) usq; ad radicem rei pene-
tras, Prudentissime SZANIAWSKI. Scili-
et: Serenissimus AUGUSTUS, Augustanâ
Confessione rejectâ, Saxonix suæ præivit
exemplo; velox præmium in terris destina-
vit illi DEUS, Poloniæ Coronam, Libera-
vox dedit; sprete Hæresis furias Orco evo-
cat. Itaq; agitur causa Religionis Liberta-
tis, non tantum Regis. Quidni obsequar
Patriæ? ne corruat, in amplexum ruo; in
partes AUGUSTI totus concedo, per arma,
frementes fluctus, terrarum pericula. O quā-

to

to gaudio! venientem intuita Majestas: dimidio curarum relevata. Corde recepit. Pendebat, præ foribus Pectoris, vellus aureum; intima, SZANIAWSKI tenuit, noscendus è Stemmate; neminem excludens ab amore AUGUSTO, quem, & in absentes ampliavit: ut faterentur cuncti, adauctam ex illo, sibi quoq; Felicitatem. Patuit statim, Reipublicæ accessisse, designatum à Divina Providentia; quæ, Regna calamitatibus obruta, volens conservare, imò sublimiùs erigere: Viros eligit, dotibus instruit non cõmunibus. Emicuit enim SZANIAVIÆ Mentis lumen insolitum; quod præsentia perspicit acriter, expungitq; si nocent; ventura prospicit à longè, ne possint nocere, cum venerint; dolosa comprehendit, & cassibus iisdem implicat; latentia inimicorum consilia, evidenti luce perstringit. Quis tanta, & majora docuit? ipse DEUS. Gallia, Italia, Te peregrinum non vidit, optat domesticum. Nihil de Vestro contribuistis Exteri; nostra ex integro est FELICITAS POLONIARVM. Quid non tentastis fata invida, ne CONSTANS esset? elusit minas, blandimenta rejecit, calcavit pericula, nec aspexit munera; & ferro in-

Substitit in
Castris Re-
gis.

expugnabilis, & hastis argenteis; mille, pro
Majestate incommoda, deliciis annumerans.
Invigilabat Gothicus Leo, Junosæ; feli-
cior futurus Constante, si habere potuisset.
CONSTANTINUM. Proinde agenda erat
in castris vita; accessit illico Exercitus corpo-
ri, anima; alis agilitas; militibus, Generalis
amor; Ducibus, obses triumphorum. Pri-
mum omnium fuerat, certamen Te videndi;
animus ad bella crescebat aspectu; & parata
victoria, certasse Te spectante: addis enim
suppetias Tuo Virtutum Exercitu, quem du-
cit Constantia, claudit agmen Felicitas. Ideo
inter telorum jactus persistis Tui securus; tela
quocq; AUGUSTO impendentia paratus ex-
cipere, Clypeus Regalis. Terruit Leo Maxi-
mus Pontifex enses Attilæ, ne caput Orbis
amputarent; non timet noster Magnus Pon-
tifex enses complecti pectore, ne Caput Le-
chiæ feriant. Mellifluo, Christiani Principes,
Clavam Belli Sacri, obtulistis BERNARDO
Abbati; si Religionis Bellum immineat, eli-
gite Imperatorem, CONSTANTINUM
Episcopum; sciet arma tractare, ordinare
acies, multiplicare palmas. Cernitis: ut assue-
tus campo & æstui, eluitur imbribus, peruri-
tur

tur ardoribus, nec sentit; quasi, pro Ecclesia
& Patria militantem, Sol non urat. Roma-
nô saltem temperentur astra Galerô; super-
imponat Ægidem Pallas; inumbrent lauri;
Honorum Vittæ, Fasciæq; sudorem colligāt,
inferendum Coronæ, gemmarum locò. Isto
liquore oculos Fortuna lavet, deterſura cæ-
cam caliginem; istis Fasciis, nascēs Pax col-
ligabitur. Indignaris blandienti? jam esto se-
cur9; morem geram Fortitudini; quod volui-
ſti, audies. Intēde Titan radios, exere ignem,
quò aurum excoquis; gemina efformabitur
ſtatua CONSTANTINI & Felicitatis; illam
Religio, iſtam Libertas colet. Frigētis flam-
mæ? Exardeſcite; deſluētibus genarum gut-
tis, Cryſtallus eliquabitur; fiet ſpeculum Prin-
cipum. Cælo ſudo cōparabitur ſudans Frōs;
explicat Serenitatem Regno, pulſis nubibus.

Triumphabat ex armis, Conſtans animus;
proſtigavit proprii amorem commodi, &
(qui digladiari ſolent inter incerta) ſecum
pugnantes affēctus. Reſplenduit, erumpente
luce ab enſium collifione. Non tamē ſuper-
fluum arbitror, ſpectare, quàm liquidò mon-
ſtraverit, ſe non fluctuaſſe in aquis. Inundave-
rat Provincias tempeſtas ingens; nihil terris re-
liquit

Terris
inſeſtis,
Viſtulā
tendit in
Pruſſiam.

liquit tutum; infido elemento credere se debuit, fidissimus Regi & Regno CONSTANTINUS. Terræ nutant? Constantiam fundabit in aquis. Animi fluctuant? obfirmabit fluctus fidelitate erga Majestatem. Placidè suggeret Polono Vistulæ: influis in Balthidem, non Balthis in Te; neq; igitur influat in animos Polonorum. Ita CONSTANTINE, ubiquè salutis publicæ navas operam, nec desistes in nave; ut & nos, commodis affluamus, & in posteros redundant gaudia. Provehere; Patriamq; in portu fortunato colloca. Tu verò quem sideribus affixit (affinxit) antiquitas, Zodiaco recede Aries; onus impositum transportare non valebas; diffidens viribus tuis, decidit in Pontum, nomenq; addidit, naufragio suo. Aries JUNOSZÆ, Religionem; Libertatem, & Majestatem Polonam Constante feret; ne metuant naufragium, procellas terrebit.

Extra limites Regni,
degit aliquantum;

CONSTANTINUM esse, probaverunt castra, fortiter; fluctus, pellucidè. Malorum finis, probavit FELICIANUM esse. Substitit ad Regni limites, Præsul Illustrissimus; Felicitatem introducet. Flos Procerum aderat, Rosæ Principes, & Apostolicus Nuntius;

tius Apostolicus; Tuus autem Felicitas Nūnti⁹
FELICIANUS, venturam spondebat maxi-
mè, (habet cum Cælo commercium) quam-
vis minimè sperabaris. Felix Regio affinis!
exemplar Constantiæ spectâsti, quod visum,
magis expetitur. Misisses utinam aliqua linea-
menta! lineæ singulæ, delerent characteres in-
faustæ sortis. Audio respōsum: Apelles frustra
conatus imitari Minervæ Caput, retracto pe-
nicillo, indignans exclamavit: Caput istud
Dii pingant.

FELICITATEM, à Te promanâsse Prin-
ceps, evidentiùs declarabunt ea, quæ soli Ti-
bi propria, cunctis incurrunt in oculos. ac
imprimis Felicissimus ille dies Natalis Præsu-
læ Dignitatis, qui primus Te Vladislaviensi
ornavit Infulâ, cum jure secundo coronan-
di Reges. Dies, communis Boni Author, &
Constans meridies; qui primitias ingenti vi-
ctoriæ dedit; AUGUSTUM Augustiorem
reddidit; consummavit Bellorum cursum.
O quantô magnificentiæ splendore celebra-
tus! producite parem, Historiæ. Tempus
erat Consilii Magni; Optimumq; Consilium
Inauguratio FELICIANI, ut exauctoretur
infelicitas. Consecrator, idem qui primus est

Consecratus
in Episcopatu
Vladislava
Leopoldi.

G

ad

ad imponendū Regibus diadema, & quasi
Regum Pater, Primas Regni STANISLAUS
SZEMBEK, Titulis & Virtutibus Florentis-
simus. Assistebant, Latini Græciq; Ritūs
Tiaræ: Florentinum agi putasses Concilium,
& præsidente SZEMBECIANA Rosâ ver-
nare Unionem; ver inchoari ab AGNO
JUNOSZÆ. Oriens, Occidens ac Septem-
trio accurrit, ut consecreris gratulationibus
Gentium ferè omnium. Felicibus primordi-
is interesse, non poteras per locorum inter-
valla Beatissime CLEMENS XI; quia tamē
solennitati locum, arcana destinatio, Leopo-
lim assignavit, Montibus ac Stellâ insignitam;
creditus es allucere Tuo Stēmate. Referam-
né plenum Liberæ Nobilitatis congressum,
Senatorum frequentiam, Ducum & Militiæ
numerum? Tantâ lætitiâ Te ad Episcopalem
Aram promovebat, simul detinebat Respu-
blica, ut per densa ornamenta vix posses exi-
re; nisi ampliasset viam Serenissimus è Se-
ptemptrione PETRUS. Quocunq; movisti
gressum; ibat, nunc dexter, nunc insistens
vestigiiis; aliquando præcessit reverenter, so-
licitus, nè primus confertæ multitudinis im-
petus, in Te rueret. Quid de reliquo inter-

Adest
Carea
Majestas.

ro-

rogabo Satellitio? Majestas inservit, suos Populares docet, ut discant obsequia! inter Avium oblata munera, expetit suam præsentari Aquilam! bellicos progressus commendans, incedenti adsternit Vexilla. Nec vacuis tantum coluit manibus. Depromitur monile gemmeum, artis & pietatis opus; Pectoris insigne Præsulei, non una millium decade Crux æstimata: illam, & se, Cordi affigit, inter adamantes CONSTANTINI numerandus perenniter. Spectabas omnia, è septem collibus, Romana Religio; altior incede gaudio: Magnum Ducem pedissequum nacta. Solve in plausus auream vocem Libertas: Tuus est honor, impensus honor Senatori. Triumphas Serenissime PETRE; cōfecisti longum iter gloriæ. Vestigia numeravit Mars Christianus: totidem hostes proterentur. Secutus es Præsulem? Te sequentur victoriæ; præcedebas? & illæ, Te prævolabunt. Tua Crux CONSTANTINUM irradiat: in hoc signo vinces. Hercules! Ille, ille plenus virium, potens armis & exultans, trophæis elatior, qualis Herculem deceret Exercitus; qui tamdiu quærebat Vinci, quandoq; Victor prælio; victus est bello. Venit in Thra-

Splendidam
Crucem
offert.

Vincit ad
Pultaw;

ciam Nuntius, ipse Coronatus. Victoria so-
lennis, quo apparatu conspectui Tuo se præ-
sentavit Magne Triumphator? An viridi lau-
reâ præcinxit amænam frontem, dexterâ
palmas prætulit ereptas hosti; an appendit
de humero Leonis exuvias? Vulgaria respu-
ens ornamenta, Infulam imposuit Capiti; Pa-
storali Scipione suffulta, properabat in am-
plexus: porrexit ad oscula, Tuis radiantem
gemmis Crucem; ad quam conjurati vene-
runt, nec desistent venire triumphi. Adjecit
quoq;: se in Metropoli Russiæ initiatam esse,
dum Illustrissimus SZANIAWSKI consecra-
batur. Illius enim Fortunata Inauguratio, se-
quentes inauguravit bellorum successus. An-
nuis Victorum Serenissime, prædicas ubiq;
etiam Parisiis, FELICIANUM Felicitatem
esse Reipublicæ, promulgasti. Un9 commu-
ni lætitiæ non aderas AUGUSTE Serenissi-
me; contulisti Infulam, negasti præsentiam;
nondum vides, Meritis tantis, aliquid Te de-
disse. Cæterum PRÆSUL Illustrissimus
maluisset Præsentiam, quàm Infulam; Te
optat, non Tua dona. Abes AUGUSTE:
redibis Augustior. Dignus regnare non se-
mel: regnasti electus, regnabis postulatus.

Ma-

Magnum Consilium agitur; Illustrissimum
SZANIAWSKI cōsecrat ARCHIPRÆSVL
ROSEVS; Tui autem desideria efflorescunt
recentia, tanta, ut, si nondum fuisses electus,
eligerent nunc Reipublicæ vota. Præstola-
ris in Saxonia, donec Vladislaviensis Tiara
imponatur Meritissimo; ut, quæ prius Te
coronaverat, eadem semper coronatum co-
lat. Veni REX Optatissime, REX ingenitâ
Majestate. Spirant unum, Celsissimus PRI-
MAS, & Illustrissim⁹ VLADISLAVIENSIS
Episcopus; junctis Manibus Diadema tenēt.
Id mente perspeximus, dum celebraretur.
CONSECRATIO; ab isto Die, AVGVSTIOR
eris AUGUSTE.

Plura meditantem interpellat, dicereq; se
jubeat, Unum quod sufficit elogiis omnibus,
etsi præterea nihil addatur: quo superas Te
ipsum, Felicissimus non tantum FELICIA-
NUS, Constantissimus non tantum CON-
STANTINUS. Quamvis enim egisti mul-
ta fortiter, omnia sapienter; in hoc tamen
(comparatione non odiosa,) ipso Te for-
tior, ipso Te sapientior. Æstimo Te, quæ-
cunq; , Actio esse SZANIAVIA, nosceris ex
pulchritudine; Unius tamen pretium inveni-

H

re

Celſiſſimus
feliciter
intervenit
internæ
Paci Reip:

re non poſſum. quælibet, Stellâ es; Una ta-
men, eſt Sol; vel ſi quælibet, Sol es? Una, eſt
Sol triplex. Quæ verò illa? neminem latet.,
ſignat ſe luce ſuâ. Prodierat in Campum
POLONIA; Regni Aquila provolavit;
Magni Ducatûs Eques accurrit; explicue-
runt Vexilla Provinciæ, Terræ, Diſtrictus;
Manipuli ſtetere Militares. Ut ſanciretur
Fædus æternum inter Majestatem & Liber-
tatem; negotium grande, poſcebat FELICI-
ANUM Libertati; CONSTANTINUM
Religioni; REGI FELICIANUM ſimul &
CONSTANTINUM. Eundum erit per ob-
vios Exercitus, per enſes & fulmina; ibit Ille
ad Caſtra Reipublicæ; irruent difficultatum
agmina; facilitabit Prudentia; propinabunt
ſe labores amari; amor exhauriet, ſibi exclu-
gens fel, Felicitatem dulcem reſervans Pa-
triæ. Virtutis hujus prodigium, naturæ pro-
digio illuſtravit cælum; ut ſpectaret è proxi-
mo. Priuſquam enim Celſiſſimus moviſſet
Gedano, tres in àère defixi ſteterunt So-
les, atq; ſimul Iris, vario ſplendore micans;
proſpectabant viam, quâ PRÆSUL iturus
erat, Templumq; Divi LOIOLÆ quod ſubin-
travit, itineri arduo fauſtitem precatus;

Soles tres
apparent
Gedani &
Iris,

Stan-

Stantis erat Cæli species; impendens terræ,
non cecidit, secura Felicitatis. Lux cōtexta,
paribus videbatur distare spatiis, æquali &
amplo lumine, non tanquam fulgur scintillâ
contractum. Injecit oculis illecebram, decus
ex uno multiplex. Sed quid portenderet? hæ-
sit mens anxia. Delectat adhuc pupillam im-
mittere radiis. Illustrissimi Triarii, non re-
tundunt intuentem, obtutus hominum beni-
gnè receptant! Ereptos olim dies, cum au-
ge restituunt! In populorum gaudia repli-
cantur, propendent in terrarum commoda!
Solis uni9 Lateri adstant; sinistro, Cōstanter;
dextro, Feliciter! Iridem adducunt, præsa-
gio venturæ Pacis. Tuus, per tria Lumina
signatur Vultus, Antistes Illustrissime; Tuæ re-
lucent Virtutes; enitescunt opera. Legimus
ad lumen triplex: CONSTANTINUS
FELICIANUS, hâc perget viâ. Tribus istis:
Religioni, Libertati, Regi desideratam secum
adferet Pacem. Vix legimus; disparuerunt.
Soles; citò abeundo, festinantem expressuri
PRÆSVLEM. Ipse tamen expressit longè me-
lius, quàm magnis properaret passibus, utpo-
te Apostolicis; Ore suo testimonium dedit.
clarius, quàm Ore solis. Incipio, quod &

pleriq; adhuc fortasse ignorant; sed qui Te
Præsul reverentissimè colunt, oblivisci nesci-
ent; agnosces veritati consonum esse, gratif-
simum Pietati Tuæ. Ascenderas currum ve-
lociorem curru Triptolemi; unà Tecum pro-
vehebatur Pax publica; comitabantur vota,
omina; quibus dixisti: *aggredior iter, animò, quò Xa-
verius Indias.* Præclarum profectò, factiq; par-
dictum; aureò notandum stylò, ne oblivione
fugiat; prælò gemmarum Indiæ, imprimen-
dum; prodiisse dignum ex ingenio sinceri
candoris. Resonet in auribus Orbis totius;
lingvis prædicetur Gentium. Audivit istud,
annotavit, cæli particeps Divus; gratulatusq;
sibi comparisonem ex imitatione, Superos
ad congratulandum invitavit; & reponenti-
bus: Celsissimum SZANIAWSKI, esse
CONSTANTINUM FELICIANUM, non
XAVERIUM; respondit: est Ille utiq;
CONSTANS FELICITAS POLONIARVM;
Nomen istud & Rem, Patriæ dedit. Cæte-
rum, si consideremus alacritatem ad labores,
pro utilitate Orbis Lechici, assiduos; est XA-
VERIUS, nesciens satis; decumanos fluctus
frangens; in alto cogitationum de sublimi
gloria Reipublicæ; penetraturus usq; ad An-
tipo-

tipodas, ut, exulantem, à finibus ultimis re-
ducat fortunam Regni; submittit humeros
Poloniæ sustentandæ; nec fatiscit. Isti sunt
sensus profundi, sententiæ à Te latæ PRIN-
CEPS, quam proclamamus ubiq;. Agnosca-
tur Giges ex umbra; Tu agnosceris ex luci-
dissima Voce. Una tantum, suboriri posset,
XAVERIO, sed delicatior querela. Scilicet:
quod agendum esset decennio, perficis uno
anno; & Mense vel die uno, quod Menses
vel dies postularet decem; quò prolixior sit
bonorum usus, tempus infelicitati abbrevias.
O elegans, Episcopale Breviarium! Infiliit
Curtius in subterraneam specum, ne Roma
corrueret; infiliit Æneas in Trojanum ignē,
ut Patrem, grandibus lacertis exportaret.
Non tamen illis, PRINCIPEM comparave-
rim; sed XAVERIO eunti sub terras, Indi-
amq; gestanti. Adesto, penicilli subtilitate,
Celeberrime Zeuxes; colores, ab Indis ultra-
maria exquisitos, adhibe, artem exere, insuda
operi, æternitati pinge, PRINCIPEM cujus
Humeris innixa Polonia, ore sereno ridet pe-
ricula infelicia. Subscribe: Celsissimus SZA-
NIAWSKI, Patriæ XAVERIUS. Imago
hæc, in Sacrario Libertatis, in Augustali Cō-
filio.

filiorum, in Conclavi Religionis; pendeat
filo, quali pendent prædestinata, nec lædunt
Libertatem. XAVERIUM auscultabam
Tuorum Interpretem Verborum, Eloquen-
tissime Antistes; & jam splendidissima ingre-
deris castra, curru solis invecus, an velocita-
te Xaverianâ? Jam tubæ sonant, eædem: pro
REGE; quæ: pro LIBERTATE; omnes:
pro RELIGIONE. Nectit Pax Oleas; insi-
gnes Exercitus promoventur Varlaviam...
quasi ex Campo Martis, descenderetur in
Campum Electoralem. Imò Thronus poni-
tur; in Throno Rex novus collocatur, Amor;
in una sede morantur Majestas & Amor.
Majestas; nihil habet, cui diffidat; Libertas,
nihil habet, quod timeat. Domi suæ Liber-
tas, in sinu Libertatis, Majestas potest dor-
mire; utraq; securè. O quàm Augustè sub
AUGUSTO II, geminatur Unitas; &, Co-
lumnis duabus firmiter suffulta, stat CON-
STANS FELICITAS. Tres in unum con-
venerunt Soles; Religio, Majestas, Libertas;
utq; convenirent, affulsit Iris, JUNOSZÆ
(non Junonis) nuntia.

Tantumne verò POLONIARVM, Cel-
sissimus PRINCEPS, est CONSTANS FE-

LICITAS. Augete titulum Regna; (minui enim non potest) Orbis Caput addat: est CONSTANS FELICITAS POLONIARVM, & ROMANA. Evincet facilè. Enata sūt bella, in perniciem non tantum terrarum, sed etiam in excidium Cæli. Nuperna Hæresis exorta cum Jansenio, lenio commendari affectans, plus quam seculum excogitavit errorum. CLEMENS XI numeravit Propositiones centum & unam; damnavit Bullâ, quæ incipit, UNIGENITUS. Hanc ita dilexit, sicut Pater Unigenitum; & Primogenito Ecclesiæ, desideranti misit. Hanc LVDOVICVS XIV, Bello Magnus, Pace Major, Religione Maximus, terras relinquens, exornadæ Infantiaæ Tuæ reliquit, Rex Christianissime. Gestabis, appensam collo, etiam Vir; Prætextam induens, quæcunq; doli prætexunt, rūpes; & nūc Manu tenerâ elide angvem Hercules Gallicane. Sed Quesnellus malorum Veteranus, abjicere tentavit Bullam; & in Uno ex Albanis Montibus, tollere Unigenitum; Galliarum Liliis, quæ non nent, aranearum supponens fila. Insurrexit contra Stellam ignis fatuus; intumuit fastus contra Montes Olympo affines; ab Aurora, diem sibi dici;

Bullam
Unigenitus
propugnat.

tenebræ nunquam vellent. Itaq; , cui displicuit **CONSTITUTIO UNIGENITUS**; constituit producere multos genitos è suis erroribus; aut eorum Patres & Patronos. Invaluit rumor infaustus: Oracula Summi Pontificis; in Polonia non audiri; nec recipi à primis Ecclesiarum Luminibus, Albani Sideris edita illustria. Dedecus affictum, doluit Religio; quia Catholica; Rex, quia Orthodoxus; Libertas voluntatis, quia specialiter à Quesnello impugnata. Maculam deleverunt, Vestræ, Celsissime **PRIMAS**, Celsissimi, Illustrissimi **ANTISTITES**, Literæ, an Gemmæ Annuli Piscatoris? elogia erant Primi Capitis, digna promulgari è Cathedra **PETRI. ATHANASIUS, AUGUSTINUS, HIERONYMUS**, porrexit Vobis calamum; Sapientia, Zelus, Pietas, tali scribunt Stylô. Invitus audi Quesnelle: Montes Albani, sunt Hæresum tumulus; Enceladorum oppressio, ne audeant impugnare Numen; sunt juga, rebellibus imponenda; hîc, aurifodinæ Veritatis, rupes infracta & Petra Ecclesiæ; sunt gradus, per quos, **CLEMENS** vicinum ingreditur cælum, consulit, priusquam decernat; non somnia sunt bicollis Parnassi, quæ communicat Trias

Mon-

Montium. Stella, quæ radiat Sole clarior,
 & Reges ducit, & Sapientes antecedit; ut,
 vigil de nocte, nebulas pellat. Est lingua Cæ-
 li: DEUS loquitur in CLEMENTE. Quid,
 Sideri purissimo, crinite Cometes obstrepis?
 rectis oculis intueri Cynosuram, ne aberres.
 Serenum est ad meliora calcar; quid recal-
 citras? Noverint Universi, Lechiam so-
 cialem Romæ. Quod eradicat Campus Flo-
 ræ; idē expungunt PRIMATIALES Rosæ.
 Pastoris vocem, sequitur JUNOSZÆ Agn9;
 & monstra terret. Fulminat Vaticanum; ad-
 sunt Ministræ Fulminum, Infulatæ Polono-
 rum Aquilæ. Tonat adhuc! intremisce
 Quesnelle; appellasti ad Concilium, ibis ad
 Comitia; quem Romana ferit, percutiet.
 Constitutio Polona. Id spondit Celsissi-
 mus SZANIAWSKI; Sponsionem, Religio
 tulit Romam. Felicitas est nostra, invenisse
 Fragmentum Epistolæ: *Si, execrandus rumor, ante
 impositam Comitii Regni Coronidem, divulgatus fuisset; sicut
 laborioso conatu, contra Hæreticam pravitatem, zelosa Consti-
 tutione Regni desudavimus: ita paribus viribus, detestando
 subnascentis mali ausui, aditum æternâ Lege præclusissemus.
 At, spondeo, etiamnum non defuturam omnimodam diligentiam;
 quæ, tam Observantiam Sanctissimæ Constitutionis Unigenitus,
 promoveat; quàm adversantium eidem nefandam temeritatem*

propulset. O quantum pondus Fragmēti unius!
premit Hæresim. Quot numerantur puncta,
pugiones totidem, cōfigendo errori; & quot
apices, totidem diademata Beatissimo Patri.
Poterat, Epistolæ, non subscribi Nomen: ad-
huc enim legeretur CONSTANTINUS ex
Pietate Forti. Ut autem legatur FELICIA-
NUS, appone Manum Polonia. Fidebat
Vestris erga Romam affectibus, qui dedit
Sponsionē; implete illā Equites Nobilissimi,
Amplissimi Senatores, AUGUSTE Serenif-
sime. Tuum CLEMENS UNIGENITVM
suscepit, exultans, quasi oblato Regno; Tu
CLEMENTIS UNIGENITVM Corona Vo-
tis Civium. Una, Religionis & Regni Con-
stitutio, prosperis utriusq; successibus incre-
menta sumet, simulq; incrementa dabit. Fe-
lix prælum! quod, imprimendo Statuta, ex-
primet: Ecclesiam & Regnum Nostrium, con-
iuncta esse.

Assumitur
in Episcopū
Cracovi.

Tam pia, Benignissimi Præsulis, in hostes
Fidei, severitas, meruit Ducatum Severiæ.
Hunc, & Cracoviensem Tiaram, non postu-
lanti, diu renitenti obtulit Serenissimus REX.
Annuit CLEMENS XI, rem expediri fecit
in Sacra Purpuratorum Patrum Rota. Ho-

no-

nores novos illustrabat dies SS, PETRI &
 PAULI Apostolorum; nimirum: adesse vo-
 luerunt, Principes, Principi; ut Unus Mitram,
 alter Gladium, porrigeret; Invitados credi-
 derim à Divo STANISLAO; qui Succes-
 sorem sibi CONSTANTINUM sortitus, non
 dimittit à Latere. Nempe Undecimâ Aprilis,
 nascitur Divus Martyr; Duodecimâ Men-
 sis ejusdem, succedit Sanctus CONSTAN-
 TINUS Episcopus; nequeunt à se divelli;
 ut proximus censearis, quamvis tot præive-
 rint; habet quod in Te suspiciat & amet.
 Scilicet amat CONSTANTINUM, (qualis
 fuerat & ipse) suspicit Felicitatē ad flectenda
 corda Regum. Alliciunt Apostoli, Divus
 Martyr invitat, nondum tamen moveri se pati-
 tur Liberalissimus PRINCEPS; donec Tibi
 Constantem Felicitatem Gedani firmet, mi-
 nima Societas JESU! latentem in Urbe, pro-
 ducit in Solē; Regio Sacello Cathedræq; in-
 ferit; Sciētiis hucusq; profanis Doctrinā Sacrā
 affociat, Fundator Amplissimus; argento ad
 discendum trahit; ampliando Mari Theolo-
 gico Euripum adjungit, ut semper influat;
 Soli Aquinatico, in Signo sui Arietis, ponit
 Stationem. Legite Doctores, enarrate

11. Aprilis
 natp S. Sta-
 nislao E.C.
 12. S. Con-
 stantinus.

Fundat
 Theologā,
 Philosophi
 Gedani.

*Aram, Scientiis inaugurat,
Illustrissim⁹ Excellentissim⁹ Reverendissim⁹*

SZANIAWSKI;

Vladislaviensis, & Pomerania,

Numinis Dono:

Insularum omnium,

suo Merito

P R Æ S V L.

Patriæ, FELICIANVS;

Religioni, CONSTANTINVS;

Cui, par Zelo,

imponit Crucem Cathedris,

non minore gloriâ,

quàm Ille, Coronis.

Itaq; sacrae deinceps erunt;

Hæc, prima est Consecratio,

Pontificis Manu aurea.

*Primus Aries, contra Veritatis errores:
dum, Theologiæ Librum, aperit AGNVS.*

Adeste Divi,

C O N S T A N T I N E

F E L I C I A N E,

Vt, summus Apex Doctrinarum, Surgat

Constanter Feliciter.

Differre longiùs non potes, Divi deside-
ria STANISLAI, & publica, Celsissime
PRINCEPS. Prospektat venientem Aquila
Regni, quem Serenissimo AUGUSTO Re-
ges gratulatur omnes, adeò ut vox viva pos-
sit audiri è tumulis. Imple Manum Scipione,
quò Poloniam fulcies; Infulam impone Ca-
piti; quam, Coronandi Vertices, Regum Filii,
gestaverunt locò Diadematis. Expectat, con-
tractus intrà Tuam Dioecēsim Senatus, Po-
loniæ totius compendium, & primi Murices.
Intuere Illustrissimum Vavelli Collegium; ;
Episcop⁹ es Episcoporum, circumdaris quo-
dam Infularum Concilio, undiq; congestæ,
Tibi suis illigantur vittis; & Canonici, Abba-
tes, Præpositi, sunt Senatores. In Tuo Tem-
plo, incipiunt esse Reges; postquam verò de-
sierint, angulum sepulchro postulant: Regius
est, qui calcatur cinis. Urbs, Urbium est Co-
rona; Arx, Augustale Regnantium; cui, post
flammas, Te veniente non deerunt radii.
Flos hîc vernat Religionis; & Sacerdotii Re-
galis Dignitas Venerationem inspirat. Au-
di PRÆSUL, audi confessionem sensuum
Populi; inter hilares lacrymas, tristia, isti ri-
dent; illi, etiam provocant. Isti asserunt cir-

Ingressus
Celsissimi
ad Cathed:

ca vestigia Tua CONSTANTINE, Urbes
& Tempia consurgere: illi asseverant: mala,
etsi venirēt, obterenda, dum FELICIANUS
adeſt. Procede ſplendidus, Vultu quò diſſi-
pas nubila. Tui tres illi Soles, oriuntur:
iterum, dum exoreris; & augent diem; Ma-
jeſtas iterum ſequitur Corde, quæ, Conſe-
crati, fuit Pedifſequa. Pulchriùs comitantur,
dum abſunt, Exercitus illi, quibus educendis
è Patria, Dux fuiſti Conſiliò. Quot notas, à
Nomine Polono, avertere conatus es; tot
in Te reſplendent Inſulæ; illaſq; Orbe clau-
dit, pacifica Iris. Promicat è Pectore Crux,
non jam adamātibus, ſed victoriis; quas hor-
tatu induxeras, aut prece. Ingens autem tor-
mentum invidia, exploditur. Etiam Fama de
Sanctiſſimi Electione, præſenti creditur in-
vigilare Solennitati; jamq; Ori admovet Tu-
bam: ut non aliâ, ſed eâdem, per Orbem Te
promulget, & Illum; ut Novo Summo Pon-
tifici, placeat primò Nuntiò Ingreſſûs Tuî.
Meritſ antiquioribus, CLEMENS Felicis
recordationis, detulit Cathedram in Urbe
Craci; recentibus, Papa Recentior, Felicius
mittet aliquid ex Urbe Romuli. Minima
Societas JEſU, aucta Summis Celiſſimi
PRIN-

PRINCIPIS favoribus, Memoriale Breve
porrigit Famæ. Ille, Cathedram ingreditur,
qui est Religionis Gloria, Patriæ Spes; Re-
gum Securitas; Senatûs Magnificentia; Ho-
nor Nobilitatis; Fortibus Munimentum &
Arma; Ingeniis Exercitatio; qui Hostilita-
tes propulsat; Pietatem armat; Bellis, for-
titudinem affert; Paci, Quietem; utrique
Felicitatem. Cujus:

Pallia Præsulibus, vellus dat Regibus, AGNUS:

Deliciæ Domini; Deliciæ Populi.

Breve istud Memoriale, Seminarium est se-
quentium Panegyrum. Hactenus tantum scri-
psimus Exordium Panegyris, continuan-
dæ per secula. Continua nobis erit
dicendi materia, PRINCEPS, qui se-
quentibus factis, priora vincens, est

CONSTANS FELICITAS
POLONIARUM.



PRINCIPIS favoribus, Memoriale Breve
portat. Ille, Cathedrali ingreditur
qui est Religionis Gloria, Patrie spes, Re-
gum securitas; sanctas Magnificientia; Ho-
nor Nobilitas; fortibus Munimentum &
Arma; Ingeniis Exercitatio; qui Hostilia
res propulset; Pietatem armat; Bellis for-
titudinem affert; Paci, Quietem; unquam
Felicitem. Cujus:

Patris Patribus, velis de Regibus, AGNUS:

Deus Domini; Delecta Poma.

Breve illud Memoriale, Schismatum est se-
pentinum Panegyrum. Hactenus tantum se-
pentinus Exordium Panegyris, continuat
de per secula. Continua nobis erit
dicendi materia. PRINCIPIS, quia
quoniam factis, prius vinctus, est

CONSTANS FELICITAS

POLONIARUM



Biblioteka Jagiellońska



stdr0026915

